

嘉靖沔陽志

地 260.141
1275.2
部 三:4

人物列傳下



沔陽志十五



齊張欣泰字義亨竟陵人父興世宋

欣泰少有志節不以武業自居好隸書

十餘詣吏部尚書褚淵淵問之曰張郎

多少欣泰答曰性怯畏馬無力牽弓淵甚異之

辟州主簿歷諸王府佐元徽中興世在家擁雍

州還資見錢三十萬蒼梧王自領人劫之一夜

垂盡興世憂懼感病卒欣泰兄欣華時任安成

郡欣泰悉封餘財以待之建元初歷官寧朔將

志五

列傳下

一

軍累除尚書都官郎世祖與欣泰早經款遇及

即位以爲直閣將軍領禁旅除豫章王太尉參

軍出爲安遠護軍武陵內史還復爲直閣步兵

校尉領羽林監欣泰通涉雅俗交結多是名

下直輒遊園池著鹿皮冠衲衣錫杖挾素琴有

啓世祖者世祖曰將家兒何故作此舉止後

駕出林敕欣泰甲仗

察欣泰停仗於

下飲酒賦詩制局監呂文復過見啓世祖

世祖大怒遣出外數日意稍釋召還謂之曰卿

不樂為武職驅使當處卿以清貫除正員郎末
明八年出為鎮軍中兵參軍南平內史巴東王
子響殺僚佐上遣中庶子胡諧之西討使欣泰
為副欣泰謂諧之曰今太歲在西南逆歲行軍
兵家深忌不可見戰戰必見危今段此行勝既
無名負誠可恥彼凶狡相聚所以為其用者或
利賞逼威無由自潰若且頓軍夏口宣示禍福
可不戰而禽也諧之不從進屯江津尹略等見
殺事平欣泰徙為隨王子隆鎮西中兵改領

志十五

列傳下

二

東內史子隆深相愛納數與談宴州府職局
使關領意遇與謝朓相次典籤密以啓聞世祖
悉召還都屏居家巷置宅南岡下面接松山欣
泰習弩射雉恣情閑放衆伎雜藝頗多
帝即位為領軍長史遷認議參軍上書陳便宜
二十條其一條言宜毀廢塔寺帝優詔報
建武二年圍鍾離城欣泰為軍主隨崔慧景
救援欣泰廣陵侯曰聞攻鍾離是子之
策可無謬哉兵法云城有所不攻地有所不

不聞之乎我國家舟舸百萬覆江橫

甲于今不至欲以邊城疲魏士卒我且千里
運糧行留俱弊一時霖雨川谷涌溢然後乘
海百萬齊進子復奚以禦之乃令魏主以萬
乘之重攻此小城是何謂歟攻而不拔誰之恥
歟假令能拔子守之我將連舟千里舳艫相屬
過壽陽東接滄海仗不再請糧不更取士卒
偃卧起而接戰乃魚鱉不通飛鳥斷絕偏師淮
其不能守皎可知矣如其不拔吾將假法于

志十五

列傳下

三

魏之有司以請子之過若挫兵夷衆攻不卒下
驅士填隍拔而不能守則魏朝名士其當別有
深致乎吾所未能量昔魏之大武佛狸傾一國
之衆攻十雉之城死亡大半僅以身返旣智屈
於金墉亦雖拔而不守皆筭失所為至今為笑
前鑒未遠已恐之乎和門邑邑戲載往意
為徐州軍所挫更欲於邵陽洲築城慧景慮為
大患欣泰曰虜所以築城者外示媵大實懼我
躡其後耳今若說之以彼此各願罷兵則其患

自息慧景從之遣欣泰至虜城下具述此意及虜引退而洲上餘兵萬人求輸五百匹馬假道慧景欲斷路攻之欣泰說慧景曰歸師勿遏古人畏之死地之兵不可輕也勝之旣不足為武敗則徒喪前功不如許之慧景乃聽虜過時領軍蕭坦之亦援鍾離還啓明帝曰邵陽洲有死賊萬人慧景欣泰放而不取帝以此皆不加賞四年出爲永陽太守永元初還都崔慧景圍城欣泰入城內領軍守備事寧除輔國將軍廬陵

志十五

列傳下

四

王安東司馬義師起以欣泰為持節督雍梁南北秦四州郢州之竟陵司州之隨郡軍事雍州刺史將軍如故時少帝昏亂人情咸伺事隙欣泰與弟前始安內史欣時密謀結太子右率胡松前南譙太守王靈秀直閣將軍鴻選含德主帥苟勵直後劉靈運等十餘人竝同契會帝遣中書舍人馮元嗣監軍救郢茹法珍梅蟲兒及太子右率李居士制局監楊明泰等十餘人相送中興堂欣泰等使人懷刀於座斫元嗣頭墜

果梓中又斫明泰破其腹蟲兒傷刺數瘡手指
皆墮居士踰牆得出茹法珍亦散走還臺靈秀
仍徃石頭迎建安王寶劬率文武數百唱警蹕
至杜姥宅欣泰初聞事發馳馬入宮與法珍等
在外城內處分必盡見委表裏相應因行廢立
既而法珍得反處分閉門上仗不配欣泰兵鴻
選在殿內亦不敢發城外衆尋散少日事覺詔
收欣泰胡松等皆伏誅欣泰少時有人相其當
得三公而年裁三十後屋瓦墮傷額又問相者

志十五

列傳下

五

云無復公相年壽更增亦可得方伯耳死年四
十六

張欣時欣泰弟也初為諸暨令坐罪當死欣時
父興世宋世討南譙王義宣吳郡張暢時為彭
城王長史官軍欲殺之興世以袍覆暢而坐得
免興世卒暢子融著高履負土成墳至是融為
司徒竟陵王子良長史乞代欣時死子良曰此
乃是長中美景事恐朝有常典不得如長史所懷
史氏曰欣泰本以武胄不樂橐鞬方其挾琴遊

園停仗賦詩雍雍乎亦足多也然既乏匡濟之才又匪阿衡之任迺欲躬行伊霍志清象魏是以狸捕虎以蚤負山也欲無敗得乎

梁張齊字子響馮翊郡人世居橫桑或云橫桑人也少有膽氣初事荆府司馬垣歷生歷生酗酒遇下嚴酷不甚禮之歷生罷官歸吳郡張穆爲荆府司馬齊復從之穆甚相知重以爲心腹雖家居細事皆以任焉齊盡心事穆無所辭憚隨穆歸京師穆爲南兖州又擢爲府中兵參軍

志五

列傳下

六

始委以軍旅齊永元中義師起東昏徵穆歸都督宮城諸軍事居尚書省義兵至外圍漸急齊日造王珍國陰與定計計定夜引珍國就穆造膝齊自執燭以成謀明旦與穆珍國即東昏於內殿齊手刃焉明年高祖受禪封齊安昌縣侯邑五百戶仍爲寧朔將軍歷陽太守齊手不知書目不識字而在郡有清政吏事甚脩天監二年還爲虎賁中郎將未拜遷天門太守寧朔將軍如故四年魏將王足寇巴蜀高祖以齊爲輔

國將軍救蜀未至足退走齊進戍南安七年秋使齊置大劔寒冢二戍軍還益州其年遷武旅將軍巴西太守尋加征遠將軍十年郡人姚景和聚合蠻蜒抄斷江路攻破金井齊討景和於平昌破之初南鄭沒於魏乃於益州西置南梁州州鎮草創皆仰益州取足齊上夷獠義租得米二十萬斛又立臺傳興冶鑄以應贍南梁十一年進假節督益州外水諸軍十二年魏將傅豎眼寇南安齊率衆距之豎眼退走十四年遷

率五

列傳下

七

信武將軍巴西梓潼二郡太守是歲葭萌人任令宗因衆之患魏也殺魏晉壽太守以城歸欵益州刺史鄱陽王遣齊帥衆三萬督南梁州長史席宗範諸軍迎令宗十五年魏東益州刺史元法僧遣子景隆來拒齊師南安太守皇甫謐及宗範逆擊之大破魏軍於葭萌屠十餘城魏將丘突王穆等皆降而魏更增傅豎眼兵復來拒戰齊兵少不利軍引還於是葭萌復沒於魏齊在益部累年討擊蠻獠身無寧歲其居軍中

能身親勞辱與士卒同其勤苦自畫頓舍城壘
皆委曲得其便調給衣糧資用人人無所困乏
既爲物情所附蠻獠亦不敢犯是以威名行於
庸蜀巴西西郡居益州之半又當東道衝要刺史
經過軍府遠涉多所窮匱齊緣路聚糧倉種蔬
菜行者皆取給焉其能濟辦多此類也十七年
遷持節都督南梁州諸軍事智武將軍南梁州
刺史普通四年遷信武將軍征西鄱陽王司馬
新興永寧二郡太守未發而卒時年六十七追

志十五

列傳下

八

贈散騎常侍右衛將軍賻錢十萬布百匹謚曰
壯

史氏曰齊高祖之忠臣東昏之逆賊也至其為
政雖曰不學亦有繁劇之才矣

元張淵道景陵人丙寅進士授秘書監都事
張從道淵道弟同科進士授武昌路通城縣達
魯花赤兄弟俱優文學居古城舊有雙桂坊

皇明胡美初名廷瑞避

御字改今名湖廣漢沔人至正間仕陳友諒為

江西行省丞相守南昌歲辛丑八月

天兵征友諒直擣九江偽都友諒走武昌時兵威震疊美知天命有歸乃遣宣使鄭仁傑詣九江納款

上賜書慰諭于富春

上至南昌美迎謁于新城門外

上撫勞之俾仍故官癸卯八月友諒戰死於彭蠡其子理奔武昌復僭號九月

上復率諸將及美征理于武昌甲辰二月理出

志五

列傳下

九

降武昌悉平美有功焉乙巳湖廣江西諸郡縣皆附乃規取淮東十月命美同相國徐達等率馬步舟師水陸並進是冬克海安泰州丙午二月克高郵四月五月淮泗壽穎俱下八月統兵從大將伐張士誠十一月下湖州進圍蘇州吳元年九月破其城執士誠遂拔無錫州以歸論功召見於戟門賜彩段表裏九疋加榮祿大夫降褒諭有今日之功無忝古之名將等語十月命為征南將軍率安吉寧國南昌袁顛滁和無

為等衛軍由江西取福建

上諭美曰征伐所以奉天命平禍亂安民生故命將出師必在得人汝以陳氏丞相來歸事吾忠實無過故命汝總兵取福建江西左丞何文輝為爾之副湖廣參政戴德隨征從汝調發二人皆吾親近之人勿以此故廢軍政凡號令征戰一以軍法從事聞汝往年嘗攻閩中必深知其地理險易今總大軍進征凡攻圍城邑必擇便利可否為之進退無失機宜克定之功全賴

志五

列傳下

十

於汝十一月帥師度杉關略光澤縣下之十二月師至邵武元守將李宗茂以城降得將士五千四百餘人至建陽降其守將曹俊疇命指揮沈友仁守之洪武元年正月

上即帝位功成進秩詔美以榮祿大夫中書平章兼同知詹事院事是月壬午率師至建寧元守將同僉達里麻參政陳子奇集僚佐謀曰聞大明軍驍勇自入杉關諸鎮兵皆望風瓦解其鋒不可當今吾城中軍士亦不下萬餘儲蓄尚

富可以拒守不可與戰彼攻吾城不克必將自退吾因而乘之或可以得志衆皆曰然由是備禦甚堅美等進兵數與挑戰達里麻等固守不出我師環其四門攻之壬辰克建寧時美督兵攻城益急達里麻不能支夜潛至文輝營納款詰旦總管翟也不花亦率衆請降美乃整軍入城申嚴號令秋毫無所犯執陳子琦送京師獲將士九千七百九十餘人馬二百七十三疋銀一萬六千三百兩糧九萬八千六百四十石命

志五

列傳下

十一

指揮費子賢領兵守之二月克興化遣建陽降將曹俊疇招諭汀州寧化連城等縣元汀州路守將陳國珍納款泉州郡縣相繼降附時王師已取福州延平諸路福建悉平統兵守禦五月上幸汴梁召還扈從凡行在機務悉預區處兵行無擾於民二年十二月大賞征南及守禦功賜白金二百五十兩文幣十七表裏三年七月往河南等處招集故元王保保所部亡散士卒凡占籍在洪武元年者聽為民二年以後者收

入兵伍十一月大封功臣授開國輔運推誠宣
力武臣榮祿大夫柱國封豫章侯食祿一千五
百石令世襲賜誥命鐵券其文曰昔竇融以河
西歸漢載於前史後世稱之朕以武定四方乃
有識天運而建事功如昔人者助成帝業理當
崇報咨尔胡美以漢沔之英當朕經畧江右尔
能識幾盡歸版籍以保全人民於是任以中書
平章之職屢從大將征取江夏攻壽春平淮東
克浙西遂取邵武建寧其功益著扈朕巡狩分

志五

列傳下

十三

省北京兵有紀律民得撫安况為國之姻戚而
著勲於當世今天下已定論功行賞朕無以報
尔是用加尔爵祿使尔子孫世世承襲朕本疎
愚皆遵前代哲王之典禮茲與尔誓若謀逆不
宥其餘若犯死罪尔免二死子免一死以報尔
功於戲慎守祿位以光勲業篤親而厚風俗更
以忠貞訓及子孫傳於末世豈不偉歟仍賜文
綺及帛四十疋十三年正月改封臨川侯誥券
文與前同六月遣使賚勅至湖廣論美曰昨者

上天垂戒朕思治理恤民為先其王府一切役
作宜皆停罷時美董建潭王府於長沙故以是
諭之二十六年卒

李廷琛一名琛景陵人國初從取江南晉陵徽
州婺源攻雪州援龍灣佐平饒州擣潯陽徇征
蘄黃下豫章鏖戰彭蠡甲辰定武昌江陵湖之
南北乙巳從克襄陽安陸等處以屢功擢授景
陵衛指揮副使鄧愈以湖廣行省平章出鎮襄
陽廷琛屬焉嚴號令練軍伍繕甲兵修屯田西

志

下

十三

禦王保保兵遇征討則備前驅洪武元年四月
上勅諭愈曰即日總兵官大將軍信國公徐達
副將軍鄂國公常遇春統領大軍已於三月二
十九日克復汴梁見行進取河南等處城池教
御史大夫鄧愈統領襄陽安陸景陵衛官軍前
去征取迤北未附城池其景陵衛除存留官軍
守城外其餘軍馬教指揮副使李廷琛統領參
隨征進先是三月愈命廷琛同指揮王成等率
師取唐州又取南陽至是奉

旨即命廷琛同指揮吳復等攻取南陽各屬克之又平新寨麻張等叛賊克光石腦寨及降葉舞陽魯山等縣從拔徐州九月擊洪山老馬劉寨斬關而入擒殺甚衆是年冬從討蜀河奔張獲之于是金商均房諸州悉定三年西擊王保保營五年從討澧州等處溪洞蠻夷皆預有功邵暹字賓旭沔陽人永樂壬辰進士授中書舍人陞禮部郎中精通譯字

宣宗命入草詔筆凍紙汗自分得罪

志五

傳下

古

上命易紙書之其荷眷遇如此

史氏曰昔李廣不逢高祖時萬戶侯不可得美與琛睹聖於草昧之初效命於風雲之際攀鱗附翼列爵分茅可謂不世之遭矣

贊曰令尹名卿二牧負乘作唐瑞符葛陽機儼雍州厭武散騎善政豫章景陵乘時能奮

人物列傳